







錢塘魏之琇編集

海昌王士雄孟英同校  
定州楊照藜素園

瘡疹雄按麻也疹也瘡也各處方言不同也其實一也何以分瘡疹為兩篇殊屬未當今歸作一類

孫文垣治僕子孫守以麻即瘡疹效嗽無痰上唇厚體腫熱大便燥聲啞燥火為患以麥冬知母瓜蒌甘草白芍桑皮

是證宜去白芍桑皮入牛蒡桔梗

地骨皮石斛枳殼服後嗽減其七乃去瓜蒌枳殼以其大便已溏加生地當歸苡仁調理而安

此證如生地合否校對酌之

程氏子七歲中麻西吳呼為瘡子姑蘇呼為沙子一月餘矣發熱如故效嗽聲啞肌削骨立頭髮盡禿望藏醫束手孫見之曰若謂此

兒不可治耶此麻後虛熱成疳以太虛養丸與之可萬全也病家初不余問者謂非幼科專門不知此特大方家

事耳可改韓詩曰餘事作兒科然方脈不知兒科者必非良手為製藥與之未盡服而瘳

呂東莊治錢氏子五歲病瘡洩瀉兒醫謂瘡最宜於瀉不復顧忌以清火為急寒涼縱進着眼在縱字病勢劇烈呂視之

面色兩顴刺紅虛陽上浮時咬牙喘急盛口渴盛飲水不絕陰虛液燥脈洪緩如平壯人曰脾急矣速投人參當歸黃耆陳

皮甘草茯苓木香以救之一劑覺安或阻之曰誤矣小兒有專門豈可令腐儒治之吾所聞瘡病以發散清涼解

毒為主今半身瘡潮熱未退而用溫補必不救矣無真知而參末議最能誤人知者慎之其家懼遂不敢再服間三日其父復來見

曰諸證復如故如何呂曰豈有是理哉君戲我耳曰來實不服君藥乃述其故呂曰君試急歸兒天柱骨倒矣

別去項之馳至曰果如公言奈何急服前方何如呂曰前方救虛也今加寒矣非桂附不能挽也曰顴紅口渴喘

急飲水俱是熱証而公獨云虛寒何也曰陰竭於內陽散於外而寒涼復逼之也陽無所歸內真寒而外假熱此

立齋所發內經微旨非深究精蘊者不能信也乃歸而違眾服之一劑而天柱直二劑而喘渴止三劑起行嬉戲

戶外此由苦寒過劑故處方如是非一切小兒皆可附桂也